



Ассаламу аьлайкум, дустал

ХХЯХХА БАРГЪ

Лакрал райондалул жаматийсса ва сиясийсса кказит

«ЗАРЯ»

Нюжмар

28 апрель

2017 ш.

№ 18

gazetazary@mail.ru

Сайт: zaria-online.ru

Шадлугъ

Экологиялул шин тIиртIунни

КIулсса куцуй, 2017 шин Аьрасатнаву, мукумна Дагъусттаннай баян бунни экологиялул шинну. Мунин хIадур хъанай, райондалул шяраваллаву тамансса давуртту хъунни марцIшиву дуруччаврил, къабагъавай бувсса цинцI дичай кIантурду марцI баврил цIанийсса.

мюртазааьлил гъайкалданучIа цIуну бувгъунни чIявусса мурхъру.

Апрельданул 25-ний райондалий «Экологиялул шин» тIи-



Гъумукгу, шяраваллаву бугъунни чIявусса мурхъру. Дагъусттаннал МВД-лул чулуха

ВацIиллуй гъарца шинал бугъайсса мурхъирдал ялун ххихъунни 100хъул цIуссагу. Хан-

тIаврин хасъсса шадлугъ хъунни Гъумук Хъунклубраву. Ва (Ахир 2 лаж.)

Дагъусттан Республикалул Закон

Административный низам зия давриясса РД-лул Кодексраву дахханашивуртту даврия

Къамул дурссар РД-лул Халкъуннал Собраниелул 30 март 2017ш.

Статья 1.

2015 шинал январьданул 13-ний къамул дурсса административный низам зия давриясса Дагъусттан Республикалул Кодексраву (Собрание законодательства РД, 2015, №1, ст.10; №6, ст.235; Дагестанская правда, 2016, 11 февраля, №29-30) укунсса дахханашивуртту дан:

1) ххи бан 2.1.1. статья, укун чивчусса:

Статья 2.1.1. Исполнительный властьрал федерациялул органнал кIантту-кIантурдайсса органнал, Дагъусттаннал, Дагъусттан Республикалул исполнительный властьрал органнал ва кIанттул самоуправлениелул органнал терроризмалул профилактика дуллалисса, мукумна Дагъусттан Республикалий муння бивсса зарал чан буллалисса ва бухлаган буллалисса даву сантрайин дутлатисса коллегиялул органдалул хIукму биттур къабаву.

Аьрасатнал Федерациялул Президентнал хIукмулин бувну сакин дурсса, исполнительный властьрал федерациялул органнал кIантту-кIантурдайсса органналгу, Дагъусттан Республикалул исполнительный властьрал органналгу, кIанттул самоуправлениелул органналгу терроризма-

лул профилактика дуллалисса, мукумна Дагъусттан Республикалий муння бивсса зарал чан буллалисса ва бухлаган буллалисса, му коллегиялул органдалул цичIара дусса ихтиярданин бувну къамул бувсса хIукму биттур къабарча, - къуллугъирттайминнай дишайсар административный аьчIа - къу азарунния муькIал азаруннийн дирсса къуруш; юридический лицордай - кIиттурш азарунния ххюттурш азаруннийн дирсса къуруш.

2) 6.1 статьялийн ххи бан 3.1. бутIа укун чивчусса:

«3.1. Ва Кодексрал 2.1.1 статьялий ккаккан бусса административный низам зия давриясса протоколул чичайсар Дагъусттан Республикалул БакIчинал ва Дагъусттан Республикалул ХIукматрал даву шаллу дайсса паччахIлугърал органдалий зузисса ва миннул къамул бувсса хIукмурду биттур баврил ялув авцIусса къуллугъчинал».

Статья 2.

Ва Закон гужавун духхантIиссар ва рирщуну ацIва гъантта лагайхту.

Р.АьвдIлатIипов,

Дагъусттан Республикалул БакIчи.
ш.МахIачкъала, 10 апрель 2017 шин, №29.

Райондалий цIусса къуллугъ

Жунма баллалисса куцуй, махъсса перестройкалул шиннардий жула билаятрал чиновниктураву ягин хъуна коррупциялухун багъансса шартIру, хъямалашин, арцух ччимур бан буюхлахъаву. Му оьсса балаллуштал талатаву яла аьркинмурну чIалай, шикаятрайсса халкъгу чIяву хъанай бухъукун, хIукматрал цIу-цIусса давуртту, къуллугъру бачин бувну бур коррупциялуштал талан.



Гъарца министерствордачIа, ведомствордачIа, аьдлу-къадагъа дуруччай органнаву тIивтIуна коррупциялин къаршисса къуллугъру. Вана, утти районнал администрациярдачIагу бачин бувну мукумсса къуллугъ. Жула райондалий, райондалул администрациялул кумагчинал даражалий, коррупциялин къаршину зун ивтунни **Макъсудов Макъсуд Юсуплул арс.**

Макъсуд увну ур 1963 шинал Гъумук. Гъумучиял школа 1980 шинал къуртал бувну 1982-1984 шиннардий лавхъун бур армиялул бурж. Мичча учIайхту 1984-1992 шиннардий зий ивкIун ур Лакрал райисполкомрал орг отделданий, 1992-2003 шиннардий -спортрал школалул

директорну.

2003 -2007 шинну -увчIуну ур райондалул депутатътурал собраниелул председателъну.

2009-2013 шиннардий зий ивкIун ур Гостехнадзорданул райондалул инспекциялул начальникну.

2013-2016 шинну -УСХ-лул хъунама инженер.

2016 шинал мартрая 2017 шинал мартрайн иянинн -РД-лул БакIчинал ва ХIукматрал виваллил политикалул управлениелул райондалийсса уполномоченный.

Макъсудлул дур шяраваллил хозяйстволул пишакарнал ларайсса кIулшиву ва дуккаву къуртал къадурсса юристнал кIулшиву.

Коррупциялул масъалардалсса байсса кумагчинал буржру

«Лакрал район» МР-данул бакIчи Ю.ХI.МахIаммадовлул чивчунни коррупциялун ххуллурду къукъаврил масъалардалсса байсса цала кумагчинал къуллугърал регламент цIакъ дуллалисса амру (№40-р 23 март 2017ш.).

Ва хъанай бур РД-лул муниципал органдалул къуллугъ. Ваний ивтума мютIийну икIан багълай ур МР-даний каялушиву дуллалиманайн ва коррупциялун ххуллурду къукъаврил иширттаву ванал дахIавуртту дайсса дур РД-лул БакIчинал ва ХIукматрал Администрациялул Управлениелуштал.

Коррупциялун ххуллурду къукъаврил масъалардалсса

байсса кумагчинал буржирдавун цайминнувах багълай бур:

-цала даву дуллалини, инсантурал ва организациярдал ихтиярду ва мурадру буруччаву;

-паччахIлугърал граждан къуллугъчитураву, муниципалитетрал къуллугъчитураву коррупция къаххирасса ара хIасул даву;

-органдалу (МР) коррупция (Ахир 2 лаж.)

Коррупциялул масъалардалсса байсса кумагчинал буржру

(Дайдихъу 1 лаж.)

циялин къаршисса давуртту сакин даву, му даврин аьркинсса маслихатру баву;

-коррупциялин къаршисса Комиссиялул даву сакин даву, му Комиссиялул секретарьнал буржру шаллу баву;

-коррупциялин къаршисса политикалул иширттаву органдалул (МР) ва исполнительный влаьтерал федерациялул органнал клантту-кланттурдайсса органнашал, РД-лул паччахил-лугьрал органнашал, право дурччай органнашал, жамьатрал сакиншиннардашал ва коррупциялин къаршисса организаци-ярдашассе дахлавуртту сакин даву ва шаллу даву;

-ккаккан дурсса низамрай ляркъумунил, харж дурмунил, хъуслил, къатрал ва м.ц. хлугчарду тлайлашиву ххалбигьлан, коррупциялун ххуллурду къукьиншиврул.

-чала -къуллугъ буржру шаллу булланшиврул аьркинсса клулшивурттал даража буручлан;

-паччахилугьрал ва федерациялул законнал къюлтI бумур, цала буржру шаллу булла, зузалтрая клул хъумур шихьчI-ав къабуслан;

-инсантурал ва юридический лицордал къуллугъчитурал коррупциялул иширттая органнайн чивчумур ххалбигъавурт-таву гьуртту хъанан ва ми ххалбигъавуртту сакин дуллан;

-органдалий (МР) каялушиву дуллалиманал тапшур арча, органдалийсса коррупциялул масъалардал хлакьираву инсантал къамул буллан;

-органдалий каялушиву дуллалиманан клул буллан, цацIан-ма бувкIшиву цува коррупция-

лийн клунклу аву ягу мукунсса ишру клучI баву мурадрай ва м.ц.

Цайва бивхъусса буржру биттур баншиврул, коррупциялун ххуллурду къукъаврилсса байсса райондалул бакIчинал кумагчинахь ихтиярду дур:

-органдалул цайми бутIрая, жамьатрал сакиншиннарда, предприятиерттая, учреждени-ердая, организациярда ва къуллугьтирттайминная тIалав дуллан цала даврин аьркинсса материаллу, хлугчарду, бувчIинбавуртту ва м.ц. информация;

-цайна дагъайсса къараллал актру ва цайми материаллу хIадур давриву гьуртту хъанан;

-органдалий каялушиву дуллалиминнашал маслихIат ккаккан коррупциялун ххуллурду къукъайсса комиссиялул член-тал хъунсса кандидатътурал хIакьираву;

-ккаккан дурсса низамрай къуллугьрал информация ва паччахилугьрал (муниципалитетрал) къуллугъчитураясса хлугчарду клул буллан;

-связьрал ва коммуникациялул системарду ишла дуллан; ва м.ц.

Органдалий (МР) каялушиву дуллалиманахь ихтияр дур, багълай бухьурча, кумагчинан укунсса таммихIру бан:

1)замечание;
2)выговор;
3)багъайсса савав духьурча, муниципалитетрал къуллугърая укьан аву.

ТаммихI баврил хIукму баннин, аьй хъусса кумагчи бюхълай бур чIумуйсса (ца зуруй бияннинсса хIаллай) къуллугьрал буржру шаллу булла-лаврия укьан ан, харж ласлайна ивтун.

Ватан ххирану тарбия булла

Апрель зурул 15-ний МахIачкъалалив А.С.Пушкин-нул цIанийсса библиотекалулу хъунни хъхьичIсса шин-нардий Дагъусттаннай хъусса иширттая бусласисса, уз-даншиву, марцIшиву, чувшиву, Буттал улча ххирашиву гьарцагу инсаннан чара бакъасса тIул - хасиятруну дик-Iан, мукунминнал хIурмат лахъну бикIан аьркиншиву оьрчIан бувчIин буллалисса батIаву.

Га абадий дакIния къа-дуккансса хъунабакъаву хъуна.

БувкIун бия, цал цIарду, Дагъусттаннай дакъассагу, оьрус миллатрангу машгурс-са, чичултрашал хъунабакьин шагьрулул 33 школалул дукла-ки оьрчIру, цаппара учитель-тал. Хъунабакъалайгу бия Дагъусттаннал халкъуннал чичу, шаэр Мирза Давыдов ва яруссаннал чичу Макъсуд Зай-нулабидовлуштал. Мурад бия М.Давыдовлул «Лицом к смерти» тIисса ва М.Зайну-лабидовлул «Война» тIисса луттирдашал оьрчIру дувс баву. Мирзал чивчумур лу ган-зсса бия, муниясса гьалгъагу гьарзасса хъуна. ЧIявусса, ут-тинин къабавсса иширттая ха-вар хъуна вичIидихъултран.

«Лицом к смерти» луттирал хъунама герой хъанай ур 1999 шинал ЦIуссалакрал район-далин чапхунчитал ххавхсса чIумал микку милицанал на-чальникну ивкIсса Муслим Даххаев. Луттираву балжину бувсун бур ва бакIчисса къу-чагътурал ккаккан дурсса къи-риятрая. Му багъана хъуна ур Липецкалал ОМОН душман-турал вив ласун къабитан. Луттираву чIалай бур Дагъу-сттаннал миллатирттал цаши-ву, цацIушиву, иш багъний оьрус миллатрал чIарав бацI-аву. Мирзанал бивкIумуния сивсуну чивчуну бур луттира-ву. Ва бур Дагъусттан Респу-бликалул бахшишран лайкъ хъусса лу, гьарца школалий

(Ахир 4 лаж.)

Экологиялул шин тIиртIунни

(Дайдихъу 1 лаж.)

къини дунял дарщуну, мархха-ла булла бивкIнугу агъалинал дуклаки оьрчIал дакIру аьчу-ну, тяхъану дия.

Экологиялул шин тIиртIин республикалия увкIуна МВД-

Экологиялул шин тIиртIав-рин хасъсса ихтилат бувна «Лак-рал район» МР-данул админис-трациялул бакIчи Юсуп МахI-аммадовлул, Аьвдурашид МахI-аммадовлул, Руслан Башаев-лул, Исмаилов Исмаиллул.

сса клану бувгъусса КIундин-нал школалул дуклаки оьрчIал хIадур дурсса даву, Хъурхърал школалул оьрчIал ккаккан дур-мур.

Хъирив циняв арантал, жа-гьилтал, хъуними классирттал



лул министр МахIаммадов Аьв-дурашид, экологиялул мини-стрнал заместитель Аьли АхI-мадов, «Илчи» кказитрал редак-тор Руслан Башаев, Гъуниннал райондалийсса вацIралсса бул-лалисса къуллугърай каялуши-ву дуллалима Исмаилов Исма-ил ва цайми.

Хъурхърал, ШавкIуллал, КIундиннал, Къубиял, Гъуму-чийал школалул оьрчIал хIадур дурну дия экология дуруччаври-цIун дархIусса, ххуйну хIадур дурсса сценкарду. Хаснура та-машачитуран ххуй дирзуна «Зе-ленная Планета» тIисса респуб-ликалул конкурсарай хъхьичIун-

дуклаки оьрчIру лавгуна Хан-мюртазааьлил гъайкалданул лагма ттарлил мурхъру бугьлан. ВА давриву ххуйсса гьурттушин дуруна МВД-лул «Лакский» от-делданул зузалтралгу.

Экологиялул шин тIиртIав-рий бувсса ихтилатирттая чи-чинну хъиривмур номерданий.

БатIаву

Халкъуннал цайра каялушиву

КIулсса куцуй, гьарца регионал, шагьрурал, районнал, шяраваллал дур цила-цила кланттул каялу-шиву дай органну. Ми хъанай бур халкъуннал цайра каялушиву дан, мунишала цала оьрму ххуй бан цала язи бувгъуну бувчIайсса къуллугъчитал.

министрациялулу хъусса ба-тIаврий райондалул бакIчи Юсуп МахIаммадовлул. БатIаву хасдурну дия клант-тул цила каялушиву дай



Кланттул цила каялушиву дай органну дарчIуну дур кIива бутIуйх: биттур байми ва сакиншинна дайми, му-кунна, законну дуруччайми, дуккан дайми. Гъай-гъай ми циняр мютIийссар Консти-туциярдайн, Федерал ва рес-публикалул законнайн, цала Уставирдайн. Мунишала, ихтияр дуссар цумур дунугу райондалул, шагьрулул цин лархъхъусса цаннасса закон-нугу дачин дан.

Циняр кланттул цила кая-лушиву дай органнал дуруч-чин аьркинссар инсаннал

ихтиярду ва тархъаншиву, законну ва аьчухну махъ уча-ву, чичаву, кланттул аьдат - эбадатру ва м.ц. Мукунма кланттул цила каялушиу дав-рил контроль байссар цацIа-расса ХIукматрал хъуслий, сакин байссар бюджет, му тIайлану ишла баврилсса байссар, кланттул налогру цукунсса дантIиссарив хIук-му байссар ва мукунма цай-ми цаймигу иширтталсса байссар. Вайннуя ва цайми кланттул цила каялушиву дай органнайн багъайсса къайгъурдая бувсунни райад-

органнал къинилун (21-мур апрель).

Юсуплул ихтилатрал хъи-рив мува масъалялия ххибун-ни Ххюлусуннал шяравал-лил администрациялул бакIчи Шамил Абачараевлул ва «Хяхххабургьил» редактор Мусалав Мусалаевлул.

Хъирив райондалул бакI-чинал цала-цала давурттай зий хъхьичIун ливчусса му-ниципал къуллугъчитуран цивппа багълагъисса мини-стерствордая дуркIсса ва «Лакрал район» МР-данул

(Ахир 3 лаж.)

БатIаву

Хъунмар дарсру дихъултрал бияла

Ларгсса нюзмардий райадминистрациялул совещанияртту дай къатлуву хъунни школартгал директортал, миннал заместительтал, дуккавил управлениелул зузалт бавтIсса совещание.



дикалул давурттал хIакъиравусса. Муния бувчIин бунни П.Абакаровал.

Шамулчинмургу, РД-лул Минобразованиелул чулухасса агъамсса дуккавил проектру бавтIминнаштал ххалдигъаву дунни ва гъарца ихтилатчинал бувсмур хIисавравун лавсъсса, дуккавил масъаларттаву хъхъичI ххуттаун ласунми ккаккан буллалисса ихтилатгу бувну, директортал буржлув бунни

Явсупа ХIамзаевлул.

Цалами пикрирду кIибавчIунни ва ЕГЭ-лин хIадур хъанахъаврия бувсунни Къубиял школалул завуч. У.Шабановал, микку компьютердал технология ишла даврия - Хъурттал школалул директор Х.Гъазиевлул, Ккурккуллал

школалул директор Д.Магъдиевлул.

Дуккавил масъаларттаун куртIхъуннин Явсупа ХIамзаевлул барча бувна личIи - личIисса конкурсирттай, олимпиадарттай, фестиваллай хъхъичIун ливчуми, дипломирттан, грамотарттан лайкъ хъуми. Мукуминнаву бия райондалул орусмазрал ва литературалул учительтурал олимпиадий I-мур клану бувгъусса

Ккурккуллал школалул учитель Изольда Гъужиева.

КIилчинмур клану бувгъусса ЧIартгал школалул учитель Маликат МахIаммадова. Шамулчинмур клану бувгъусса ТIагьират МахIаммадова. ЧIурттациял школа.

Дуклаки оьрчIаву, «Человек. Жизнь. Экономика» тIисса республикалул олимпиадий хъхъичIун ливчусса 2-4ми классирттал оьрчIаву бур: 3-мур клану бувгъусса Гъумучиял школалул 3-мур классрал ученик ЖахIпар Гунашев, 3-мур клану бувгъусса 2 классрал ученик Къурбанов Султан.

Цайва -цайва бавцIуну бувсса ихтилатирттая чичинну гихунмай.



дайми цала бувчIайссар

чулухасса грамотартту дуллунни.

Мукун, жагъилтурал иширтталсса буллалисса РД-лул минис-

ларсунни ШавкIуллал шяраваллил администрациялул бакIчи Рамазан Асабовлул, Ккурккуллал шяраваллил администраци-

МВД-лул «Лакский» отделданул балугъравун къаивминналсса буллалисса инспектор Амир Нураттиновлул.



стерстволул хIурматрал грамоталул ва туризмалул иширтталсса буллалисса министрстволул хIурматрал грамотартгал заллу хъунни райадминистрациялул жагъилтурал ва туризмалул иширтталсса буллалисса отделданул начальник МахIаммад Гадаев.

Спортрал министрстволул муни лайкъ хъунни райадминистрациялул хъхъичIунсса специалист Малик ХIусманов.

Райадминистрациялулми грамотартту

ялул бакIчи Сабир Буттаевлул, МФЦ-лул директор Загъидат ХIамзаевал, Аьрасатнал

Аьрасатнал ва Республикалул Ветерантурал Советирттал юбилейрал медаллу дуллунни Сулайман ХIажиевлун.



Бокс

Аьрасатнал турнирданий - 2-мур клану

Апрельданул 10-ний Кабардин - Балкарнал Респуликалий-сса Тырнауз шагърулий хъунни чIава жагъилтурал дянивсса шалагу Аьрастанал боксрал турнир.

Жула райондалий ДЮСШ-лул боксрал секциялувун заназисса **Булгани ТIагьировлул** му турнирданий бувгъунни 2-мур клану. Ванал тренер ур **Юсуп ТIагьиров**.

маг бувну бур «Лакрал район» МР-данул бакIчи Ю.ХI. МахIаммадовлул.

Апрельданул 18-ний Гъумук спортзалдануву ДЮСШ-лий каялушиву дуллалисса Ш.Хановлул барча бувнни



41,5 килорал кIушиву ва лагрулул турнирданий кIилчинмур клану бугъаву ккалли дан бучIир хъуннасса хъхъичIуннайшивуну. Барчанну мунишал чIавасса спортсмен ва чIа учинну муна гихуннайгу чIярусса ххувшавуртту. Ва тихун турнирданийн гъан арцуину ку-

му ххувшавришал Б.ТIагьиров ва тренер Ю.ТIагьиров. Мкумма ванал чIа укунни ДЮСШ-лувун заназиминнан цивпагу мукунма къанкъасса, цIакъсса хъун, жува миннаяту пахрулий бикIаншиврул, Булганинал кунма, хъхъичIунсса кланттурду бугълан.

Учредитель:
Администрация
МО «Лакский
район».
Учредитель:
«Лакрал район»
МОул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
Къ-И. Амиров

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции
368360
Республика
Дагестан
Лакский район
с. Кумух

Газета набрана
и сверстана на компью-
терной базе редакции
газеты «Заря» и
отпечата-
на в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 807 экз.
Цена 2 руб.

Газета зарегистриро-
вана Региональным
управлением регист-
рации и контроля за
соблюдением законо-
дательства РФ о СМИ
и печати в РД Гос-
комитета РФ по пе-
чати.
Регистрационный ПИ
№ 104561.
Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.

Детсадрату - тиртлусса дарсру

Гъумук «Солнышко» детсадрату циняв группардаву дихълай бур тиртлусса дарсру. Уттинин ми дирхъунни тарбиячитал З.Акаевал, Р.Сулаймановал. ОьрчIал чIалачIи дурни канма лахъхъин бувмунил хIасиллу. Ми бия анаварну биттур дуллай цахъхъунна дуллусса заданиерду, чялишну гьуртту хъанай циняр давурттаву.



Апрельданул 25-ний «Лучики» тIисса группалуву тиртлусса дарс дирхъунни тарбиячи Л.Миортазаалиевал. Хъунмасса гъирарашал оьрчIру бивунни «Исвагъисса ихтилатрал» билатрайн. Му аьрххи

бия мюнпат бусса. Рязийну ливчIунни оьрчIругу, миннал нину-ппугу. Тарбиячи Луиза Миортазаалиевал оьрчIа-шалсса му аьрххи хъунмасса гъира-рай, оьрчIру ххи-рану гъан бувни.

Детсадрал заведующий З.Максудовал цинянахъ барччаллагъ кунни ххуйну сакин дурсса дарсирахлу, гихуннайгу ххуйсса давуртту дулла чIа увкунни.

Ватан ххирану тарбия буллай (Дайдихъу 2 лаж.)

бикIан аьркинсса, оьрчIал ккалан аьркинсса. Цанчирча мунил оьрчIаву тарбия дуллай дунутIий Буттал кIантгхсса ччаву. КIивагу луттираву бумуния бусласаврих хъинну гъирай вичIи дирхъуна бувкIминнал. Ххарину кьамул бунни учительтурал ва дуклаки оьрчIал Мирза Давыдовлун бохттулсса бахшиш даврил хавар. Нагу барча бав кIи-ягу шаэр райондалул агъалинал чулуха творчестволуву хъусса ккаккиртгашал. Бусав Лакрал райондалул учительтал, дуклаки оьрчIру мюхтажну бушиву М.Давыдов цала луттирашал учIаврих.

Барччаллагъ хъуннав цан, библиотекалул зузатран, укун мюнпатсса даву дурнутIий.

Даниял Магъдиев.

Конкурс

Чичара террорданин къаршисса макъаларду

Апрельданул 6-ний райондалул администрациялул №45-р хIукму бувну, баян бувни террорданин къаршисса материаллал райондалул конкурс.

Ми материаллай чичин аьркинну бур райондайисса кIанттул самоуправлениелул органнал, организациярдал ва учреждениердал террорданин къаршину дуллалисса, дурсса давуртта.

Декабрьданин риршусса ми материаллал хIасиллу дансса комиссиялул сияхIрай бур:

МахIаммадов Ю.ХI. - «Лакрал район» МР-данул бакIчи, председатель.

Къажлаев А.И. - «Лакрал район» МР-данул бакIчинал заместитель.

Сайпуллаев Ш.И. - АТК-лул аппаратрал зузала.

Мусалаев М.М. - «ХХяххабаргъ» казитрал редактор.

АхIмадов Т.А. - информациялул аналитикалул отделданул начальник.

Гадаев М.А. - оьрчIашал, жагъилминнашал ва туризмалул даву дайсса отделданул начальник.

ХIамзаев Я.М. - образованиелул управлениелул начальник.

Къурбанова Л.М. - «ЦТКНР» МКУК-рал директор.

Шаккуева У.С. - райондалул Жамьатрал палаталул председатель.

ХIажимурадов Ш. - Лакрал райондалул имам.

ЦIакъ бувну бур конкурсаясса **Положение**. Му Положениелин бувну, ва конкурс дуллай бур «Комплексная программа противодействия идеологии терроризма на 2013 - 2017г.г.» тIисса, Аьрасатнал Федерациялул паччахIлугърал программа бартдигъин жула райондайисса дурсса 2017 шинал программалин бувну.

Конкурсрал мурад бур - паччахIлугърал влаьстрал кIанттул самоуправлениелул органнал жамьатраву рувхIанийсса ва адаврал ара цIудуккан дан, райондалул мюхчаншиву цIакъ дан, террорданин къаршину дуллалисса даву чIалачIи даву чялиш дуккан даву, экстремизмалун ва терроризмалун ххуллурду кьукъаву, инсантураву райондалул ва республикалул паччахIлугърал влаьстрал ва кIанттул самоуправлениелул органнайисса, право дуруччайсса органнайисса вихшала ларай даву.

Конкурсрал учредитель хъанай ур «Лакрал район» МР-данул бакIчи, цувагу террорданин къаршисса комиссиялул председатель.

Конкурсраву гьуртту хъун бохъайсар паччахIлугърал влаьстрал органнал, муниципал сакиншиннардал, диндалул, СМИ-лул, райондайисса организациярдал ва учредениертгал ва цайми зузатраша.

Конкурсраву гьуртту хъуншиврул, дулун аьркинссар «ХХяххабургъий», «Илчилий» риршусса, Лакрал райондалул сайтрайн дирчусса материаллу, Интернетравун дирчусса, агъалинашал дурсса хъунабакъавуртгал видеоматериаллал бутIри.

Риршусса макъалул аьмсса лагру -А4 форматрал Iлажиндараял чан дакъасса. Лакку мазрай риршуминнушал архIал дулун аьркинссар оьрус мазрайн таржума дурну риршусса мура макъалагу. Макъалардан кьимат бишайни, хIисавравун ласунтIиссар му социальный сетирдаву Интернетраву ришавугу. Мугу кIицIлаган аьркинссар, конкурсрайн материаллу дулайни.

Конкурсраву ххув хъуминнан дуссар бахшишру:

1-мур кIану -5 азара кьуруш.

2-мур кIану -3 азара кьуруш.

3-мур кIану -2 азара кьуруш.

28 апрель - Щалагу дунияллул захIмат буруччаврил кьини

ЗахIмат буруччаврил хIуччарду батIаву ва ишла баву сантирайн бутаву

Дунияллул халкъуннал дяниссса захIматрал организациялул баян бувни гъашинусса захIмат буруччаврил кьинилул тема - «ЗахIмат буруччаврил хIуччарду сантирайн бичаву, батIаву ва ишла баву».

МОТ-рал (Международная организация труда) мурад хъанахъиссар - давуртта дирсса шавурдая ва азардая хъусса заралданул лагрулиясса кIулшивуртту ларай даву. Дунияллул халкъуннал дянисса организациярдал давриву яла агъамминнувацца мурад хъанахъиссар зузатрал цIуллушиву дуруччаврил ва ми мюхчанну бикIаврил масъаларду. ЗахIмат буруччаврил давурттангу гъарца чулуха кумаг байссар.

МОТ-рал членталну хъанахъисса паччахIлугърттан мунил кумаг байссар захIмат буруччаврил хIуччарду батIаврил ва ишла баврил даву низамрайн дущин.

Давуртта хъусса балардах, дирсса азардахсса кьулагъас ларай дан ччай, захIмат буруччаврил масъала МОТ-рал ккалли буллай бур ца яла хъхъичIунмурну. Мунин бувну, МОТ-равун дурхсса паччахIлугърттан кумагран ва организация ччай дур захIмат буруччаврил хIуччарду батIаву сакин дан ва ми ишла бан кумагрансса материаллал пакет итабакъин. Мукунсса хIуччардал хъунмасса кумаг бантIий бур давуртта баларду, азарду хъанан къадитансса шартIру дузал дан. Мукунма, миннул кумаг банссия гъарца паччахIлугърай захIмат буруччаврил низамран тIайлану кьимат бишун ва ми паччахIлугърттал хIукуматирттан захIмат буруччин ци давуртту дан дурив, ми давуртту дан циксса арцу итадакъин багълай бурув кIул бан.

Мукунсса хIуччарду батIаврил агъамшиву хъуннассар, гъарца паччахIлугърай зузисса кIанттурдай инсантуран баларду хъанан къабитансса миллатрал программарду ххуйну, тIайлану даврин. Миннул кумаг бантIиссар мукунма, ми программарду дурну, цукунсса мюнпат хъуну бурув кIул бангу.

ЗахIмат буруччаврил щала дунияллул кьини МОТ-рал кIицIлаглай дур 2003 шиная шихуннай. Ва кьини кIицIлагаврилгу хъунмасса кумаг бай МОТ-ран давуртта, лагма-ялттусса тIабиаьтраву инсантуран нигъачIву къадикIансса программарду дан.

ЗахIмат буруччаврил иширтталсса буллалисса чIавусса специалистурал пикрилий, производстволый инсаннал цIуллушиврун зарал хъун къабитансса яла хъхъичIунмур кьайда дур - профилактика. Амма, даврий шавурду дирсса, къашавай хъусса иширттал хъирив ххуйну къалавну, цукунчIавсса профилактика дан къаюхъайссар. Мукун хъирив лаянсса хIуччарду личIи-личIисса билаятирттай шаллуну, ххуйну батIайла баьсар. Мунияту МОТран пикри хъунни, ми хIуччарду батIайсса низам ххуй дан ва циняв билаятирттай цакуссса дан. Му чIумал захIматрал низам дуруччайсса миллатирттал кьайдардал хIасиллугу ххуй хъун аьркинссар. МОТ-равун духлахисса билаятирттал цацIа-цацIа инсантурал захIматрал ихтиярду дуруччин, давуртта нигъачIаву дакъасса шартIру шаллу дан бюджетрава итадакълакьисса арцу дачIаврихсса кьулагъасгу даххана хъун аьркинссар.

«Лакрал район» МО-райсса ГКУ РД ЦЗН

